

ARRETS

DV CONSEIL

D'ESTAT DV ROY,
ensemble les Articles accordez
pour les Receptes & Consigna-
tions des Cours de Parlement de
Paris, & Bourdeaux.



A PARIS,
Chez FRANÇOIS IACQVIN Imprimeur,
demeurant rue des Maçons, au tenant
du College des Thresoriers.

1607.

Avec Privilege du Roy.



VOYAGE

DE

LA

RUSSIE

ET

DE

LA

FINLANDE

ET

DE

LA

SUÉDE

ET

DE

LA

POLOGNE

ET

DE

LA

PRUSSE

ET

DE



ARRRESTS

ET ARTICLES AC-

cordez par la Majesté.



VR les offres faictes au Roy en son Conseil, par Maistre Charles Paullet, Secretaire ordinaire de la Chambre de la Majesté, Conténât, que s'il plaist à la Majesté, luy accorder la possession & iouissance

durant seize années consecutiues, des droicts, profits, reuenus, & esmolumens, dont iouissent à present les Recepueurs des consignations de ce Royaume, & qui leur sont attribuez, tant par l'Edict de leur creation du mois de Iuin 1578. que par autre Edict du mois d'Aoust 1594. portans reünion desdictes receptes & reuentes d'icelles en domaine, à faculté de rachapt perpetuel. Ledit Paullet se chargera de rembourier actuellement & à vn seul payement les possesseurs desdictes receptes, des sommes qu'ils iustificeront estre entreés aux coffres de sadiète Majesté, sans fraude ny desguisement, & de rendre apres lesdictes seize années expirees lesdictes receptes racheprees au profit de sadiète Maje-

ste & remises à la Couronne, pour en iouir & disposer ainsi qu'elle eust peu faire auparavant ladicte alienation. Et où il se trouueroit qu'aucuns desdicts acquereurs n'eussent entierement payé en deniers romptans le prix de leur engagement, par le moyen dequoy il ne leur escheust que partie de leur remboursement, ou point du tout d'en tenir compte au profit de ladicte Majesté, à condition qu'il luy plaise (tant pour recompenser ledict Paulet du present aduis) que des peines, vacquations, frais & despens par luy employées à la recherche d'iceluy.

ORDONNER que les possesseurs desdictes recettes ny autres personnes, ne pourront estre receuës à demander aucune preference sous quelque profit ou aduantage que ce puisse estre pour ladicte Majesté, si ce n'est qu'ils facēt lesdictes offres dās deux mois prochains, à commencer du iour de la datte du present Arrest. Et outre qu'ils payent comptant en pure perte au profit dudit Paulet, la somme de deux cens mil liures: Auant que leursdictes offres puissent estre receuës par ladicte Majesté. Et apres lesdicts deux moys expirez, ne pourront aussi aucunes offres estre receuës au par dessus celles dudit Paulet, qu'en prenant ledict party en douze années, & luy payant comptant par ceux qui les pourront faire, la somme de trois cens mill liures pour ladicte recompense & frais.

LE ROY EN SON CONSEIL, apres auoir veu & meurement consideré lesdictes offres, par le moyē desquelles il recoit vn notable profit & aduantage pour le bien & augmentation de son domaine, iugeant raisonnablement en acceptant icelles, d'accorder audit Paulet les condi-

tions par luy requises. **A. ORDONNE' ET OR-**
DONNE, qu'en remboursant par ledict Pauler,
 actuellement & à vn seul payement chacun des ac-
 quereurs & proprietaires des receptes desdites cō-
 signations ja vendues & alienees en domaine à fi-
 culté de rachapt, es Parlemēs de Paris, & Bourdeaux,
 sans nuls excepter, qui sera mis & subrogé en leur
 lieu & place, pour iouir, vser, & disposer d'icelles,
 durāt lesdites seize années suiuautes & consecutiues.
 Ensemble des droicts, fruicts, profits, reuenus &
 esmolumēs dont ils ont iouy & iouissent à present,
 suiuant les Edicts & declarations sur ce faicts & ve-
 rifiez, à la charge de tenir compte par ledit Pauler, au
 profit de sadicte Majesté, des deniers qui se trouue-
 ront n'auoir esté payez comptant par lesdits acque-
 reurs es coffres de sadicte Maiesté: & de luy rendre
 au bout desdites seze années lesdites Receptes
 des consignations, franchises, & quittes de toutes
 debtes & hypothecques quelconques, & sans que
 lesdits possesseurs ou autres personnes, puissent estre
 receuēs à demander aucune preferance, ny à faire
 ou proposer autres offres pour le profit & aduan-
 tage de sadicte Maiesté, si ce n'est dans lesdits deux
 moys, à compter du iour du present arrest. Et à con-
 dition de payer comptant en pure perte par lesdits
 encherisseurs, au profit dudit Pauler, ladicte som-
 me de deux cens mil liures, & apres lesdits deux
 moys expirez, ne pourront aussi aucunes offres ou
 encheres, estre receuēs au pardessus celles dudit
 Pauler, qu'en faisant le mesme party en douze an-
 nées, & luy payant comptant par lesdits encheris-
 seurs en pure perte, outre le prix de leursdites offres,

4
la somme de trois cens mil liures, à quoy sadiſte
Maieſté à arbitré & liquidé ſadiſte recompenſe, &
deſdommagement. Faict au Cōſeil d'Eſtat du Roy
tenu à Paris, Le dixneufieſme iour de May, mil ſix
cens ſept.

Signé,
Et plus bas eſcript, Collationné par moy ainſi
Signé, BA VDO VYN.
BA VDO VYN.

EXTRAICT DES Regiſtres du Conſeil d'Eſtat.



ENRY PAR LA GRACE
de Dieu Roy de France & de Na-
uarre. A nos amez & feaux Conſeil-
liers en noſtre Conſeil d'Eſtat : Les
ſieurs de Maiſſe, de Pontcarré, de
Maupeou & de Villemontee, ſa-
lut. Nous auons permis à noſtre cher & bienay-
mé Me Charles Pauler, Secrétaire ordinaire de no-
ſtre Chambre, de rachepter tous les offices de Re-
cepueurs des Conſignations cy deuant vendus &
alienez à facultez de rachapt perpetuel, en l'eſten-
duë des reſſorts de nos Parlemens de Paris, & Bour-
deaux. Et à ceſte fin r'embourſer à vn ſeul payemēt,
les acquereurs & poſſeſſeurs d'iceux, de la finance
qu'ils iuſtifieront eſtre entree en nos coffres, ſans
fraude ny d'eſguiſement, enſemble de leurs frais &
loyaux couſts, ſuiuant la verification qui en ſeroit
faicte, moyennant lequel remboursement faict ou

5
consigné. Nous l'auons mis & subrogé au lieu & place desdits acquereurs, pour iouyr desdites receptes & droits y attribuez, pendant seize anneés consecutiues, à la charge de les nous rendre à la fin d'icelles entierement racheppees, franchises & quit-tes de toutes charges, & hypothecques, suiuant les offres qu'il nous en auroiēt faites, ainsi qu'il est plus particulièrement contenu par les Arrests de nostre Conseil d'Estat, & traicté par nous, sur ce faict avec ledit Paulet, des dix-neufiesme & dernier du present mois, dont les coppies sont cy attachees sous nostre contreseel. Et estant besoing pour l'execution d'iceux, de commettre & deputer des person-nages, dōt la suffisance & fidelité nous soit cogneuē. **N O U S V O U S A V O N S** commis & deputez, cō-mettons & deputons par ces presentes: pour pro-ceder à la verification de la finance payee, pour rai-son desdictes receptes par les acquereurs & posses-seurs d'icelles, & leur ordonner remboursement de ce qui se trouuera auoir entré en nos coffres, sans fraude ny desguisement que leur ferez faire actuel-lement par ledit Paulet: ensemble de leurs frais & loyaux cousts, suiuant qu'ils seront par vous liqui-dez. A l'effect dequoy vous vous ferez représenter par lesdits acquereurs, leurs commis, veufue & he-ritiers, & tous autres qu'il appartiendra, leurs quit-tances, tilres & contracts, ensemble tous les regi-stres & papiers concernans lesdictes Receptes, cō-me aussi tous les deniers qui se troueront deuoir estre en leurs mains à l'occasion d'icelles (en rete-nant par eux les six deniers pour liure de leur droit de recepte) dont ils vous bailleront estat au vray,

signé & certifié d'eux, dās le temps qui leur sera par
 vous limité. Et où il se trouueroit qu'ils eussent re-
 seellé partie desdits deniers. Nous voulons qu'ils
 soient par vous contraincts d'en payer le double ap-
 plicable, ainsi qu'il est porté par lesdites articles &
 traicté, pour lesdits papiers, registres, estats, & de-
 niers, estre incontinent mis es mains dudit Pauler,
 qui s'en chargera par acte iudiciaire, pardenant les
 Iuges des lieux. En quoy faisant lesdits possesseurs
 leurs cautions & certificateurs, en demoureront
 vallablement deschargés enuers tous qu'il appartiē-
 dra. Et ledit Pauler tenu d'en vider ses mains au
 profit de ceux à qui ils appartiendront, suiuant l'or-
 dre qui en sera fait en Iustice, ainsi qu'il se pratic-
 que à present, pour seurreté & assurance dequoy
 il baillera caution pardenāt lesdicts Iuges des lieux,
 pour mesme somme qu'ot fait lesdicts possesseurs,
 & en cas qu'ils soient refusans ou dilayant, de faire
 par vous verifier leursdictes fināces dans le tēps que
 leur ordonnerez. Nous voulons qu'apres iceluy ex-
 piré: & que ledit Pauler aura offert à leur person-
 ne ou domicile, leur remboursement, & iceluy cō-
 signé, qu'il soit par vous ou vos subdeleguez mis &
 estably en la paisible possessiō & iouissance desdites
 receptes sans autres formalité de Iustice, moyennāt
 quoy nous l'auons mis & subrogé dès à present, cō-
 me pour lors en leur lieu & place, pour iouyr desdi-
 ctes receptes & droicts y attribuez, ainsi qu'ils font
 à present, & où il se trouueroit en la verification de
 ladicte finance, par eux payee quelque fraude ou
 desguisement par le moien dequoy, il ne leur es-
 cheust remboursement du tout ou en partie. Nous
 voulons

7
voulons qu'il en soit par vous fait, & enuoyé vn
estat en nostredit Conseil, ensemble des amendes
qui se pourront adiuier contre ceux qui recelleront
des deniers qui nous en pourront appartenir des-
dites réceptes, à ce que ledict Paulet nous tienne
compte des deniers qui nous en pourront apparte-
nir. Vous enioignant d'y tenir la main, comme aussi
à l'entier accomplissement dudit traité & executiō
des presentes, circonstances, & despendances: & à
ceste fin contraindre & faire contraindre à ce faire
& souffrir tant lesdits possesseurs, leurs commis,
cautions & certificateurs, & tous autres qu'il appar-
tiendra, par les voyes & contraintes accoustumées
pour nos deniers & affaires, nonobstant oppositiōs
ou appellations quelconques, pour lesquelles &
sans preiudice d'icelles, ne sera differé, & dont si
aucunes interviennent, nous en auons retenu & re-
serué la cognoissance à nous, & à nostre dict Con-
seil, & icelle interdite & desendue à toutes nos
Cours souueraines, Iuges & Officiers quelcōques,
leur enjoignant neantmoins de tenir la main à l'e-
xecution desdictes articles & des presentes sur pei-
ne de tous despens, dommages & interrests, & d'en
respondre en leurs propres & priuez noms. A l'ef-
fect dequoy: Nous mandons & commandons, au
premier nostre Huissier ou Sergent sur ce requis,
de faire toutes les significations, contraintes, com-
mandemens, exploits & assignations necessaires,
pour l'execution des presentes. En vertu de vos or-
donnances, sans pour ce demander aucune per-
mission ny pareatis. De ce faire & de substituer
pour l'effect susdict telle personne capable qu'au-

seriez: Vous donnons pouuoir, au Etoritè, & mandement special, & parce que desdiets Arrests, Articles, & des presentes l'on pourra auoir affaire en diuers lieux. Nous voulons qu'aux vidimus deuement collationnez, foy soit adioustee, comme aux originaux: CAR tel est nostre plaisir. Donné à Fontainebleau, le dernier iour de May, l'an de grace mil six cets sept. Et de nostre regne le dixhuietiemes. Signé, Par le Roy, en son Conseil.

BAVDOVYN.

Estellé sur simple queue du grand seal de cire
iaulne.



ARTICLES CONTENANS LES
 cōditions accordées par le Roy en son Conseil, à
 M^{re} Charles Paulet Secrétaire ordinaire de sa
 Chambre, pour paruenir à l'exécution des offres
 par luy faites à sa Majesté, pour le rembourse-
 ment des Receptes des consignations ja vendues
 & alienees en domaine, à faculté de rachapt
 perpetuel, en l'estendue des Parlemens de Pa-
 ris & Bourdeaux.

ET PREMIEREMENT.



VE la dicte Majesté conformé-
 mét à son Edict du mois d'Aoust,
 1594. faict pour la reünion à son
 domaine des receptes des confi-
 gnatiōs creés par Edict du mois de
 Iuin 1578. vente & reuente d'icel-

les, à faculté de rachapt perpetuel, suiuant & con-
 formément l'arrest de son Conseil du 19. du present
 mois de May, à permis & permet audict Paulet de
 rembourser tous les proprietaires & possesseurs
 desdictes receptes des consignations qui se trouue-
 ront auoir esté cy deuant vendues & alienees en
 l'estendue des Parlemens de Paris, & Bourdeaux, de
 la finance qu'ils iustifieront auoir payée en vertu
 des cōtracts d'adiudication qui leur ont esté faicts,
 tant en son conseil, que par les Commissaires à ce

deputez, ensemble de leurs fraiz & loyaux cousts, moyennant quoy, sa Majesté la dès à present mis & subrogé au lieu & place desdicts propriétaires & possesseurs pour iouir, vser, & disposer desdictes recettes, durant seize années suivantes & consecutives, ensemble des droicts, fruiets, profits, reuenus, & esmolumens, dont ils ont iouy & iouissent à present suiuant lesdicts Esdicts verifiez sur ce faicts, à commencer du iourd'huy.

II. Que pour l'execution du present traicté, sadicte Majesté deputerà tels Commissaires qui luy plaira, tant pour verifier la finance desdictes alienations, ordonner des réboursemens, frais & loyaux cousts, que pour en descider & iuger, nonobstant oppositions où appellations quelconques, & sans preiudices d'icelles. La cognoissance desquelles sadicte Majesté s'est reseruée à elle & à sondict Conseil, & icelle interdite à toutes ses Cours souueraines, Iuges & Officiers quelconques.

III. Et pour paruenir ausdits remboursemens, sadicte Majesté fera expedier commission audict Paulet pour faire assigner les possesseurs desdictes recettes pardeuant lesdicts Sieurs Commissaires, afin d'aporter où enuoyer dans le temps qui leur sera limité leurs quittances de finance, tiltres & contractz, papiers & registres de leurs recettes, pour proceder à la verification de leursdictes finances, & ordonner leur remboursement estre faict par ledict Paulet, tant de leur sort principal, frais & loyaux cousts. Lesquels remboursements ledict Paulet fera actuellemēt & à vn seul payemēt à chascun desdits acquireurs en luy deliurant leusdicts contractz, tiltres &

quitrances, avec celle de leurdict remboursement. Et où il se trouueroit quelque fraude ou simulation au faict desdicts engagemens, au moyen dequoy il n'escheut aufdicts acquereurs aucun rembourse-
 mēt du tout ou en partie, ledict Paullet promet d'en tenir compte au profit de sadiete Majesté. En quoy faisant le dict Paullet entrera en la possession & iouissance des offices par luy remboursé, en baillant par luy caution par deuant le Iuge du lieu, de pareille somme que les acquereurs l'auront baillee suivant lesdicts Edicts, & où aucuns desdicts acquereurs seroient refusant ou dilayans de prendre & recevoir leur remboursement, apres qu'il leur aura offert à deniers descouverts, & iceux consignez. Sa Majesté veut & entend que nonobstant ledict refus ou delay, ledict Paullet ne delaisse de se mettre en possession desdicts offices sans aucune formalité de Iustice, en baillant par luy caution, comme dit est, à la charge neantmoins de leur faire leur remboursement apres ladicte verification faicte de leurdict finance, enioignant à tous ses Iuges & Officiers de tenir la main à l'execution des presens articles, sur peine de tous despens, dommages & interests, & d'en respondre en leurs propres & priuez noms.

IIII. Apres lesquels rebooursemens ainsi faicts ou offerts, comme dict est, lesdicts acquereurs seront tenus de représenter audit Paullet dans la huietaine ensuiuant tous les papiers & registres concernans lesdictes receptes, les luy deliurer avec vn estat au vray, signé & certifié deus des sommes de deniers qui restent en leurs mains: Iceluy affirmer & verifier sur leurs registres, & luy fournyr tous lesdicts de-

niers consignez dont ils se trouueront chargez, en retenant routesfois par eux les six deniers pour liure de leur droict de recepte, desquels papiers, registres & deniers, ledit Paulet se chargera par acte iudiciaire pardenant le Iuge du lieu, en vertu duquel acte lesdicts acquereurs leur vefue & heritiers, cautions & certificateurs demeureront vallablement deschargez enuers tous qu'il appartiendra, pour estre lesdicts deniers deliurez par ledict Paulet à ceux ausquels ils seront ordonnez par Iustice, tout ainsi que lesdicts acquereurs eussent peu faire, & où aucuns desdicts acquereurs seroient refusans ou dilayans de représenter dans le susdict temps lesdits papiers & registres, comme aussi lesdits deniers, & que d'as l'estat par eux deliuré audit Paulet, il se trouuaist aucune obmission ou retentiō d'iceux. Sa Majesté veut & entend conformément ausdits Edicts qu'ils y soient contraincts, & au double desdits deniers reseellez, applicable vn tiers au denonciateur, vn tiers à sa Maiesté, & l'autre tiers audit Paulet, le tout comme pour ses propres deniers & affaires, ensemble leurs cautions & certificateurs.

V. Et moyennant lesdits remboursemens faicts ou offerts & consignez ainsi que dit est. Sa Maiesté promet de faire iouyr ledit Paulet plainement & paisiblement des Receptes desdictes consignations des Parlemens de Paris, & Bourdeaux, Grand Conseil, Cours des Aydes, & de toutes les iustices & iuridictiōs y ressortissās, ensemble de tous les droicts, profits, reuenuz & esmolumēs attribuez ausdictes offices, tant par l'Edict de Creation que celui de reūion & reuente desdictes Receptes, dont iouyf-

sent les acquereurs estre durant lesdictes seize années suivantes & consecutives à commencer du iourd'huy.

VI. Que tous les deniers subiects a consignation par lesdits Edicts, seront mis es mains dudit Paulet ou de ceux qui auront pouuoir de luy, par les adjudicateurs ou autres qui s'en trouueront saisis dans quinze iours apres le commandement qui leur en sera fait, & à faute de ce faire ils y serōt contraincts comme pour les propres deniers & affaires de sa Maiesté, & sans que nulle personne sous quelque pretexte que ce soit, puissent estre exempt dudit droit de consignation.

VII. Qu'apres la iouissance de toutes les susdites receptes durāt lesdictes seize années, & icelles expirees ledict Paulet rendra à sa Majesté tous les Contrac̃ts des alienations qui ont esté cy deuant faictes. Les quittances de la finance payee par les acquereurs, avec les quittances de leurs remboursements faicts en vertu des ordonnances desdicts Commissaires, en sorte que lesdictes receptes demeurent franches & quittes de tous engagemens & hypotèques, soit des deniers consignez ou autrement, pour estre icelles reünis à son domaine, desquels remboursements ledict Paulet ne sera tenu d'en compter que par estat au Conseil, en r'apportant, lequel avec lesdicts acquits, en la chambre des Comptes, il demeurera vallablement quitte & deschargé envers sadicte Maiesté desdicts remboursements, sans qu'il en soit tenu ny contraincts d'en rendre aucun compte en ladicte Chambre. Pour le regard de la recepte & despence, dont & de quoy sadicte Majesté l'a des

à present, & comme pour lors releué & despençé par le present traicté, ensemble ses participes, & associez, cautions & certificateurs, mais sera tenu seulement de compter des acquiëts & remboursemens qu'il aura faicts, & les rapporter en la Chambre.

VIII. Et où il interuiédroit en l'executiō du present traicté, circonstances & despendances d'iceluy, aucunes oppositions ou appellations, refus ou empeschemens, soit de la part desdicts acqueteurs Officiers de la Majesté où autres, au moyē dequoy ledict Paulet fut empesché en la iouissance desdictes recettes & droicts. Sa Majesté promet de les faire leuer promptement, en sorte qu'il en puisse iouir paisiblement, se reseruant à elle & à sondict Conseil, la cognoissance d'icelles, & l'interdisant à toutes ses Cours souueraines, Iuges, & Officiers quelconques, & pour c'est effect fera expedier en sondict Conseil, tous arrestz, expéditions à ce necessaires, & si besoin est icelles verifier en sesdictes Cours de Parlemens de Paris, & Bourdeaux, Chambre des Comtes, Cours des Aydes, & ailleurs ou besoin sera.

IX. Et pour l'assurance de la Majesté, du rachapt desdictes recettes, & reünion d'icelles à son domaine, ledict Paulet baillera bonne & suffisante caution audict Conseil ou ailleurs s'il en est besoin.

Faict & arresté au Conseil d'estat du Roy, tenu à Fontaine-bleau, le dernier iour de May, mil six cens sept, signé Baudouin, & plus bas est escrit colationné à l'original par moy, signé Baudouyn.

EXTRAICT DES

Registres du Conseil d'Estat.



VR les remonstrances faictes au Roy
en son Conseil, par Maistre Charles Pau-
let Secretaire ordinaire de sa Chambre.

Que par Arrest dudit Conseil du 19. du
present moys, & articles arrestez en iceluy, en conse-
quence dudit Arrest, il a pleu à sa Majesté luy per-
mettre de rachapter tous les offices de Receueurs
des consignations cy deuant venduz, & alienez à fa-
culté de rachapt perpetuel, au dedans des ressorts
des Parlemens de Paris, & Bourdeaux, & le subro-
ger au lieu & place des acquereurs desdictes offices,
pour iouir d'iceux pendant seize annees consecuti-
ues, ensemble des droicts, profficts, & esmolumens
y attribuez par les Edicts de soixante dixhuiet, &
quatre vingts quatorze, à la charge de les rembour-
ser à vn seul payement de la finance qu'ils iustifie-
ront auoir payée avec leurs frais & loyaux cousts,
apres qu'ils auront fait verifier leur finance dans le
temps qui leur seront prefix & limité par les Com-
missaires à ce deputez, Poursuivant icelle leur estre
faict par ledit Paulet leurdit remboursement, & ou
ils seroient refusans ou dilayans d'y satisfaire apres
les offres à eux faictes a deniers descouverts, Il en-
treroit en la possession & iouissance desdictes Re-
ceptes, en baillant par luy caution de pareille som-
me que lesdit acquereurs: Et en outre que tous les
Registres & papiers desdictes Receptes & deniers
qui se trouueront consignez, seroient mis en ses
mains pour estre distribuez à qui ils seront ordon-

nez par iustice, desquels il se chargeront pardeuant les iuges desdits lieux, dont sera baillié acte ausdicts acqueteurs pour leur seruir de descharge enuers tous qu'il appartiendra, à la deliurance de lesquels papiers, Registres & deniers, lesdits acqueteurs leurs pleiges, cautions & certificateurs seroiēt contraints comme pour les propres affaires de sa Maiesté. Suppliant ledit Paulet sa Maiesté de deputer tels Commissaires quelle aduifera pour proceder tant à la verification de ladiète finance qu'à execution dudit Traicté. LE ROY EN SON CONSEIL, desirant pour le bien de ses affaires & seruice l'accomplissement dudit Traicté, à commis & commet les sieurs de

Conseillers en sondit Conseil, tant pour proceder à la verification de la finance payée par les possesseurs desdictes Receptes, que pour ordonner le remboursement d'icelle leur estre fait par ledit Paulet, avec leurs frais & loyaux cousts, comme aussi de ce faire représenter par lesdits possesseurs tous les Registres & papiers concernans leursdictes Receptes, ensemble les deniers qui se trouueront en leurs mains dont ils baillerōt estat au vray, signé & certifié deux.

Et ou ils se trouueroit qu'ils eussent reseellé partie desdits deniers. Sa Maiesté les a dès à present condampnez au double d'iceux, applicable ainsi qu'il est porté par lesdictes Articles, Pour lesdits papiers, Registres & deniers estre incontinent & sans delay mis es mains dudit Paulet. Lequel s'en chargera par acte iudiciaire pardeuāt les Iuges des lieux: En quoy faisant lesdits possesseurs leurs cautions & certificateurs en demeureront vallablement deschargez enuers tous qu'il appartiendra: Et ledit Paulet tenu

d'en vuidier ses mains au profit de ceux à qui ils appartiendront suivant l'ordre qui en sera fait en Iustice, ainsi qu'il se pratique à present. Et ou les possesseurs desdictes Receptes seroient refusans ou dilayans de faire verifier leurdicté finance par lesdits Commissaires dans le temps qui leur sera prefix & limité. Sadicte Maiesté veut & ordonne qu'iceluy expiré: Et apres que ledit Paulet leur aura offert leur remboursement a deniers descouverts & cōsignez, qu'il puisse entrer en la paisible possession & iouissance desdictes Receptes, sans autre formalité de iustice. L'ayant sadicte Maiesté dès à present comme pour lors apres l'offre dudit remboursement faite a leur personne ou domicile & consignation des deniers mis & subrogé en leur lieu & place, pour iouyr desdictes Receptes, ainsi qu'ils font à present. Enioignant sadicte Maiesté ausdits Commissaires de tenir la main à l'accomplissement dudit Traicté, circonstances & dependances d'iceluy, contraignant & faisant contraindre à ce faire & souffrir tant lesdits possesseurs leurs cautions & certificateurs que tous autres, comme pour les propres deniers & affaires de la Maiesté, nonobstant oppositions ou appellations, pour lesquelles ne sera differé: Et dont si aucunes interuiennent. Sa Maiesté à reserué la cognoissance a elle & à son dit Cōseil, & icelle interdite & deffendue à toutes les Cours souveraines, Iuges & officiers quelsconques. Fait au Conseil d'Etat du Roy tenu pour les finances à Fontainebleau. Le dernier iour de May, mil six cens sept.

Signé,

BAVDOVYN.

Et plus bas est escrit, Collationné à l'original par moy ainsi Signé,

BAVDOVYN.

*EXTRACT DES
registres du Conseil d'Estat,*



SUR la Remonstrance faicte au Roy en son Conseil, par Maistres Jehan du Tillet Receueur des Consignations du Parlement de Paris Merault Receueur de celles des Requestes du Palais Gallard Receueur de celles du Chastelet, & Anthoine Courson Receueur des Consignations de la Seneschauſſée & ſiege Preſidial de Lyon, ſe faiſant fort pour tous les autres receueurs des Consignations du Parlement de Paris, & Bourdeaux, qu'aussi toſt qu'ils ont eu aduiſ du contract fait avec ſa Maieſté, par Maistre Charles Paulet Secretaire de ſa Chambre, le trentieſme May dernier, pour raiſon du remboursement de tous les receueurs des Consignations deſdits Parlemens, & reünion d'iceux au domaine de ſa Maieſté, dans ſeize années. Auroient le meſme iour preſenté leur requête audir Conseil, pour eſtre preferez au contract dudit Paulet, & offert la ſomme de ſoixante quinze milliures pour ſon deſdommagement dont ils auroient requis acte qui leur auroit eſté octroyé le dixneuſieſme Iuin dernier. Et depuis ſur nouuelle offre par eux faicte de payer pour le deſdommagement dudit Paulet la ſomme de deux cens mil liures qui luy a eſté accordée par arreſt du Conseil du dixneuſieſme May dernier, leur auroit eſté derechef accordé acte. Requerant à

present qu'il pleust à sa Maiesté qu'en payant par eux la somme de deux cens cinquante cinq mil quatre cens liures és mains du Tresorier de l'Espaigne, pour estre baillé audit Paulet la somme de deux cés mil liures pour sondit desdommagement. Et le surplus ainsi qu'il plaira à sa Maiesté d'en ordōner, d'estre subrogez au lieu & place dudit Paulet, Et cōtinuer l'exercice & possessiō de leursdictes charges & offices, & iouyr des droicts y attribuez suiuant les Edicts & declarations de sa Maiesté durant lesdictes seze années consecutiues, à commencer du premier iour de Iāuier, mil six cés neuf, aux mesmes droicts, aduantages & conditiōs accordées audit Paulet par lesdits arrestés & cōtract du dixneufiesme & dernier May derniers, à condition de rēdre à la fin desdictes seze années, lesdictes receptes libres à sa Maiesté pour estre reünies à son domaine, à la charge que lesdits receueurs des consignations ne pourront estre depossedez pendant ledit temps, ne autres personnes receuës a proposer plus grande & aduantageuses offres à sa Maiesté, pour quelque cause & occasiō que ce soit. V e v ledit arrest du Cōseil dudit dixneufiesme May, par lequel il est porté qu'en rembourfant par ledit Paulet actuellement & à vn seul payement tous lesdits receueurs des consignations des ressorts desdits deux Parlemēs de Paris, & Bourdeaux. Sa Maiesté la mis & subrogé en leur lieu & place, pour iouyr desdictes receptes durant seze années suiuautes & consecutiues, à cōmencer du trētiesme May dernier. Et icelles expirées rendre lesdictes receptes franches & quirtres de tous ypotheques pour estre reunies, a son domaine. Et sans

que les possesseurs d'icelles ou autres personnes puissent estre receuës a demander autres prefferances, ne faire ou proposer autres offres pour le profit & aduantage de ladite Maiesté. Si ce n'est d'as deux mois, à compter du iour dudit arrest, à condition de payer comptant en pure perte par lesdits encherisseurs, au profit dudit Paulet, ladicte somme de deux cens mil liures: Et apres lesdits deux mois, la somme de trois cens mil liures. A quoy ladicte Maiesté à arbitré & liquidé ladicte recompence & desdoinnagement. Lesdictes requestes présentées par lesdits receueurs des consignations des iour de

LE ROY EN SON CONSEIL,
Ayant esgard aux offres desdits du Tillet, Merault, Gallard & Coursan ausdits noms. Les a mis & subrogez au lieu & place dudit Paulet, pour conformement audit arrest du Conseil du dixneuuesme May dernier. Et contract dudit trentiesme dudict mois, cōtinuer par lesdits receueurs desdictes consignations l'exercice & possession de leursdictes charges & offices, & iouyr des droicts & esmolumens y attribuez suiuant lesdits Edicts & declaratiōs de ladicte Maiesté, durant ledit temps & espace de seze années consecutiuës, à commencer du premier iour de Iannier, mil six cens huiet, aux mesmes droicts & conditions accordées audit Paulet par lesdits arrests & contract. A condition qu'à la fin desdictes seze années qui expireront a pareil iour que l'on cōptera mil six cens vingt quatre. Lesdits receueurs seront tenus rendre lesdictes receptes franches & quittes de tous ypotheques quelcōques à la Maiesté, pour

estre reünies à son domaine. A la charge de paver comptant la somme de deux cens cinquante cinq mil deux cens liures, A s'auoir audit Paulet la s^ome de deux cens mil liures à luy ordonnée par ledit arrest, pour sa recompence & desd^o domagement sous sa simple quittance, laquelle vaudra & seruira ausdits receueurs des consignations, cōme si ille estoit du Thresorier de l'Espargne, & le surplus es mains du Thresorier de son Espargne, à faute de quoy led. paulet demeurera en la paisible poss^o & iouyss^o de son dit contract. Laquelle s^ome de deux cens cinquante cinq mil deux cens liures avec les frais & loyaux cousts, sera esgalée de partie sur chacun desdits receueurs qui voudrōt iouyr de ladite grace & preferance. Ce qu'ils seront tenus de declarer par deuers les Cōmissaires qui serōt à ce deputés quinze apres la signification du present arrest, Autrement & à faute de ce faire dans ledit temps, & iceluy passé seront contraints au payement des sommes esquelles ils auront esté taxés, nonobstāt oppositions ou appellations quelcōques, & sans preiudice d'icelle, pour lesquelles ne sera differé. Et dont sadite Maie^{te} à retenu & retient la cognoissance en son Conseil. Et icelle interdite à tous autres iuges. Et au cas qu'ils declarēt ne se vouloir auider de ladi^{te} preferance. Seront tenus dans ledit temps d'apporter ou enuoyer par deuers lesdits Commissaires leurs quittances de finance, tiltres, cōtracts, papiers & registres de leurs receptes pour estre procedé à la verification de leur dite fin^{ce}. Et ordonné du remboursemēt de leur sort principal, frais & loyaux cousts de ce qu'ils iustificont auo^{ir}

payé sans fraude ny desguisement aux coffres de sadiète Maiesté: Et ce fait se voit contraindre de remettre és mains desdits du Tillet, Merault, Gallard & Coursan leursdits offices de receueurs. Ensemble tous les deniers de leursdictes receptes. A quoy faire ils seront contraincts par corps comme depositaires de biens de iustice: Et ne pourront lesdits receueurs des consignations estre depossedéz pendât le temps desdictes années, ny autres personnes estre receuës à proposer plus grandes & aduantageuses offres pour sadiète Maiesté, pour quelque cause & occasion que ce soit. Faict au Conseil du Roy tenu à Paris, le vingt vniesme iour de Iuillet mil six cens sept.

Collationné en l'original, par moy Conseiller, Notaire, & Secretaire du Roy.



ENR Y par la grace de Dieu
 Roy de France & de Nauarre,
 à noz amez & feaux Conseil-
 lers en nostre Conseil d'Estat,
 Les sieurs de Maillé, de Pont-
 carré, de Caumartin & de Maupeou, salut.
 Nous auons cy deuant permis a nostre cher
 & bié amé M^e Charles Paulet Secretaire or-
 dinaire de nostre Châbre, de racheptér tous
 les offices de Receueurs de consignations
 cy deuât vendus & alienez à faculté de ra-
 chapt perpetuel, en l'estenduë des ressorts
 de noz Parlemens de Paris, & Bourdeaux,
 Et a ceste fin rembourser à vn seul payemēt
 les acquereurs & possesseurs d'iceux de la fi-
 nance qu'ils iustificront estre entrée en noz
 coffres, sans fraude ne desguisement, ense-
 mble de leurs frais & loyaux cousts, suiuant la
 verification qui en seroit faicte, moyennant
 lequel remboursement faict ou assigné.
 Nous l'aurions mis & subrogé au lieu & pla-
 ce desdits acquereurs, pour iouyr desdictes
 receptes & droicts y attribuez pēdant seze
 années consecutiues, à la charge de les ren-
 dre à la fin d'icelles entierement racheptées
 fraîches & quittes de toutes charges & ypo-
 theques : suiuant les offres qu'il nous en au-
 roit faictes, ainsi qu'il est plus particulieremēt

contenu par les arrests de nostre Conseil
 d'Estat, & traité par nous sur ce fait avec le-
 dit Paulet dès dixneufiesme & dernier iour
 du moys de May dernier. Et d'autant que
 par autre arrest de nostredit Cōseil du vingt-
 vniesme Iuillet ensuiuant: sur les Requestes
 à nous présentées par M^{rs} Jean du Tillet no-
 stre Cōseiller, Notaire & Secretaire, & Gre-
 fier de nostre Cour de Parlement, Pierre
 Merault, Gallard aussi nostre Conseiller
 notaire & Secretaire, & Anthoine Cour-
 san, Nous les aurions pour les cōsiderations
 y contenuës mis & subrogez par preference
 au lieu & place dudit Paulet en toutes lesdi-
 ctes receptes desdits Parlemens de Paris, &
 Bourdeaux, sans aucunes excepter suiuant
 les offres par eux faiçtes contenuës audit ar-
 rest. Pour l'exécution duquel & traité fait
 avec ledit Paulet, estant besoin commettre
 & deputer des personages dont la suffisan-
 ce & fidelité nous soit cogneuë. Nous vous
 AVONS commis & deputez, commettons
 & deputons par ces présentes, pour proce-
 der a l'exécution desdits arrests, Et ce faisant
 faire assigner pardeuant vous lesdits Rece-
 veurs pour dire s'ils entendent accepter ou
 renoncer a ladicte preferâce & subrogation.
 Et en cas d'acceptation les declarer obligez

és mesmes charges & cōditiōs esquelles le-
 dits du Tillet, Merault, Gallard & Courfan,
 tant pour eux que soy faisans & portās forts
 desdits autres Receueurs, se sont obligez par
 ledit arrest. Et en cas de renonciation verif-
 la finance payée pour raison desdictes rece-
 ptes par lesdits acquereurs & possesseurs. Et
 ordonner remboursemēt de ce qui se trou-
 uera auoir entré en noz coffres sans fraude
 ne desguisement que leur ferez faire actuel-
 lemēt par lesdits du Tillet, Merault, Gallard
 & Courfan. Ensemble de leurs frais & loyaux
 cousts, suiuant qu'ils seront par vous liqui-
 dez, A l'effeēt dequoy vous vous ferez re-
 presenter par lesdits acquereurs leurs com-
 mis veufues ou heritiers & tous autres qu'il
 appartiendra leurs quittances & contractz.
 Ensemble tous les Registres & papiers con-
 cernās lesdictes receptes, Comme aussi tous
 les deniers qui se trouueront deuoir estre en
 leurs mains à l'occasion d'icelles en retenant
 par eulx les six deniers pour liure de leur
 droiēt de recepte, dont ils vous bailleront
 estat au vray signé & certifié deux dans le
 temps qui leur sera par vous limité. Et ou il se
 trouuera qu'ils eussent recellé partie desdits
 deniers. Nous voulons qu'ils soient par vous
 contrainsts d'en payer le double applicable

ainsi qu'il est porté par lesdictes articles & traité. Pour lesdicts Papiers, Registres, Estats & deniers estre incontinent mis es mains desdits du Tillet, Merault, Gallard & Coursan ou leurs commis qui s'en chargeront par acte iudiciaire pardeuant les iuges des lieux. En quoy faisant lesdits possesseurs leurs cautions & certificateurs en demeureront valablement deschargez enuers tous qu'il appartiendra. Et lesdits du Tillet, Merault, Gallard & Coursan tenus d'en vider leurs mains, au profit de ceux à qui ils appartiendront suivant l'ordre qui en sera fait en iustice ainsi qu'il se pratique à present, pour seureté & asseurance de quoy ils bailleront caution pardeuant lesdits iuges des lieux pour mesme somme qu'ont fait lesdits possesseurs. Et en cas qu'ils soient refusans ou dilayans de faire ladiète declaratiõ & verifier par vous leurdiète finance dans le tēps que leur ordonnerez. Nous voulons qu'apres iceluy expiré l'option mentionnée audit arrest soit referée ausdits du Tillet, Merault, Gallard & Coursan, & qui leur soit permis de faire contraindre lesdits acquereurs & possesseurs au payement des sommes esquelles ils serõ taxez pour leur part & portion de l'aduançe qui nous a esté faicte par

lesdits du Tillet, Merault, Gallard & Cour-
 san interests desdites sōmes frais & loyaux
 cousts: & leurs offices declarez reünis a no-
 stre domaine francs & deschargez de tous
 ypoteques. Comme nous en ce cas les de-
 clarons dès à present reünis & incorporez
 apres le temps des seze années expiré porté
 par nostredit arrest, où qu'il soit loisible aus-
 dits du Tillet, Merault, Gallard, & Cour-
 san de rembourser lesdits receueurs de leur dite
 finance, frais & loyaux cousts, vérification
 prealablement faicte comme dessus. Et en
 cas de refus, consigner lesdits deniers, apres
 laquelle consignation ou remboursement
 nostre vouloir & intention est qu'ils soient
 par vous ou voz subdeleguez mis & establis
 en la paisible possession & iouissance desdi-
 tes receptes, sans autre formalité de iustice,
 moyennant quoy nous les auons mis & su-
 brogé dès à present cōme pour lors en leur
 lieu & place pour iouyr desdictes receptes
 & droicts y attribuez, ainsi qu'ils font à pre-
 sent. Vous enioignāt d'y tenir la main com-
 me aussi a l'entier accomplissement dudit
 traicté & execution des presentes, circon-
 stances & dependances, & a ceste fin con-
 traindre ou faire contraindre à ce faire &
 souffrir lesdits possesseurs leurs cōmis, cau-

tions, certificateurs, & tous autres qu'il appartient, par les voyes & contraintes accoustumées pour noz deniers & affaires, nonobstant oppositions ou appellations quelsconques, pour lesquelles & sans preiudice d'icelles ne sera differé. Et dôt si aucunes interuiennent. Nous en auons retenu & reserué la cognoissance à nous & a nostre Conseil, & icelle interdite & deffenduë a toutes noz Cours souueraines iuges & officiers quelconques. Leur enioignant neantmoins de tenir la main a l'execution desdits articles, & des presentes, sur peine de tous despens dommages & interests, & d'en respondre en leurs propres & priuez noms, a l'effect dequoy nous mandons & commandons au premier nostre huissier ou sergent sur ce requis, de faire toutes les significations, contraintes, commandemens, exploits, & assignations necessaires pour l'execution des presentes, en vertu de voz ordonnances, sans pour ce demander aucune permission ne pareatis. De ce faire & de substituer telles personnes capables qu'aduisez pour l'effect susdict. Vous donnons pouuoir, auctorité & mandemens special, Et par ce que desdits arrests articles & des presentes l'on pourra auoir affaire en diuers.

lieux, Nous voulons qu'au vidimus d'iceux
deuëment collationné foy soit adioustée
comme aux originaux. CAR TEL est
nostre plaisir. Donné à Paris, le troisieme
iour de Septēbre, l'an de grace mil six cents
sept. Et de nostre regne le dixneuuesme.

Par le Roy en son Conseil,

FAYET.

DE L'ORDONNANCE de nous André
Hurault sieur de Maisse, Geoffroy le
Camus sieur de pont-Carré
le Febure sieur de Caumartin, Gilles Mau-
peou Conseillers du Roy en son Cōseil d'E-
stat, & Commissaires deputez par ses lettres
patentes de sa Maiesté, pour l'exécution de
son arrest du vingt-vniesme Iuillet dernier,
& articles accordez à Maistre Charles Paulet
du dernier de May audit an. Il est mandé au
premier Huissier ou sergent Royal sur ce re-
quis d'assigner pardeuant nous en l'Hostel
de nous sieur de Maisse l'un desdits Com-
missaires scis ruë des enfans Rouges, en la
ville de Paris, où la part que nous serōs à la
suinte du Roy & de son Conseil, tous & vn
chacun les receueurs des consignations des

Parlemēts de Paris, & Bordeaux, pour com-
paroir pardeuant nous dansle tēpsporté par
ledit arrest, duquel ensemble de ladiēte Cō-
mission & articles leur sera baillé coppie &
proceder à l'execution desdits arrests & Cō-
mission ainsi qu'il appartiendra de ce faire,
Luy donnons pouuoir commission & man-
dement special. Faict à Paris, le septiesme
iour de Septembre mil six cens sept. Signé,
B O T A V L T Greffier desdits sieurs.